

稼

軒

長

短

句

稼軒長短句卷之九

鷓鴣天

離豫章別司馬漢章大監

聚散忽忽不偶然二年歷遍楚山川  
但將痛飲酬風月莫放離歌入管絃  
縈綠帶點青錢東湖春水碧連天  
明朝放我東陽去後夜相思月滿船

和張子志提舉

別恨粧成白髮新  
空教兒女笑陳人  
醉尋

夜雨旗亭酒夢斷東風輦跡塵 騎驢駟  
簫青雲看公冠佩玉階春忠言句句唐虞  
際便是人間要路津

又

楊姐風流有幾人當年未遇已心親金陵  
種柳歡娛地庾嶺逢梅寂寞濱 罇似海  
筆如神故人南北一般春玉人好把新粧  
樣淡畫眉兒淺注唇

代人賦

晚日寒鴉一片愁。柳塘新綠却溫柔。若教  
眼底無離恨，不信人間有白頭。腸已斷，  
淚難收。相思重上小紅樓。情知已被山遮  
斷，頻倚闌干不自由。

又

陌上柔桑破嫩芽。東隣蚕種已生些。平岡  
細草鳴黃犢，斜日寒林點暮鴉。山遠近，  
路橫斜。青旗沽酒有人家。城中桃李愁風  
雨，春在溪頭薺菜花。

又

撲面征塵去路遙香篝漸覺水沉銷山無  
重數週遭碧花不知名分外嬌人歷歷  
馬蕭蕭旗旌又過小紅橋愁邊剩有相思  
句搖斷吟鞭碧玉梢

又

唱徹陽關淚未乾功名餘事且加餐浮天  
水送無窮樹帶雨雲埋一半山今古恨  
幾千般只應離合是悲歡江頭未是風波

惡別有人間行路難

鵝湖道中

一榻清風殿暑涼  
涓涓流水響回廊  
千章雲木鈎輶叫  
十里溪風擺綰香  
衝急雨  
趁斜陽  
山園細路轉  
微茫  
倦途却被行人笑  
只為林泉有底忙

鵝湖歸病起作

枕簟溪堂冷欲秋  
斷雲依水晚來收  
紅蓮相倚渾如醉  
白鳥無言定自愁  
書咄咄

且休休一丘一壑也風流不知筋力衰多  
少但覺新來懶上樓

又

指點齊樽特地開風帆莫引酒船回方驚  
共折津頭柳却喜重尋嶺上梅 催月上  
喚風來莫愁辭聲耻金罍只愁盡角樓頭  
起急管哀絃次第催

又

看意尋春嬾使回何如信步兩三杯山繞

好處行還倦詩未成時雨早去聲催携竹  
杖更芒鞋朱朱粉粉野蒿開誰家寒食歸  
寧女笑語柔柔陌上來

又

翠木千尋上薜蘿東湖經雨又增波只因  
買得青山好却恨歸來白髮多明盡燭  
洗金荷主人起舞客齊歌醉中只恨歡娛  
少無奈明朝酒醒何

又

困不成眠奈夜何情知歸未轉愁多暗將  
往事思量遍誰把多情惱亂他些底事  
誤人啣不成真箇不思家嬌癡却妬香香  
睡喚起醒鬆說夢些

鄭守厚卿席上謝余伯山用其

韻

夢斷京華故倦游只今芳草替人愁陽關  
莫作三疊唱越女應須為我留看逸韻  
自名流青衫司馬且江州君家兄弟真堪

笑箇箇能修五鳳樓

和人韻有所贈

趁得春風汗漫游  
見他歌後怎生愁  
事如芳草春長在人似浮雲影不留  
眉黛歛  
眼波流  
十年薄倖謾揚州  
明朝短棹輕秋  
夢只在溪南  
畫盡樓

徐衡仲撫幹惠琴不受

千丈陰崖百丈溪  
孤桐枝上鳳偏宜  
玉香落落雖難合  
橫理庚庚定自奇

山谷聽摘阮歌云立

壁庚庚  
有橫理

人散後月明時試彈幽憤淚空  
垂不如却付騷人手留和南風解慍詩

用前韻和趙文鼎提舉賦雪

莫上扁舟訪剡溪淺斟低唱正相宜從教  
犬吠千家白且與梅成一段奇香暖處  
酒醒時畫簷玉筋已偷垂笑君解釋春風  
恨倩拂蠻牋只費詩

重九席上

戲馬臺前秋鴈飛管絃歌舞更旌旗要知

黃菊清高處不入當年二謝詩  
傾白酒  
遶東籬只於陶令有心期  
明朝九日渾簫  
灑莫使樽前欠一枝

又

有甚閑愁可皺眉  
老懷無緒自傷悲  
百年  
旋逐花陰轉萬事長看鬢髮知  
溪上枕  
竹間棋  
怕尋酒伴嬾吟詩  
十分筋力誇強  
健只比年時病起時

送范先之秋試

白苧千袍入嫩涼。春蠶食葉響迴廊。高門  
已準桃花浪。月殿先收桂子香。鵬北海  
鳳朝陽。又携書劔路茫茫。明年此日青雲  
上。却笑人間舉子忙。

又

一夜清霜變鬢絲。怕愁剛把酒禁持。玉人  
今夜相思不想見。頻將翠枕移。真箇恨  
未多時。也應香雪減些兒。菱花照面渾頻  
記。曾道偏宜淺畫眉。

送歐陽國瑞入吳中

莫避春陰上馬遲  
春來未有不陰時  
人情展轉閑中看  
客路崎嶇倦後知  
梅似雪柳如絲  
試聽別語慰相思  
短蓬吹飯鱸魚熟  
除却松江枉費詩

又

木落山高一夜霜  
北風驅鴈又離行  
無言每覺情懷好不飲  
能令興味長  
頻聚散  
試思量  
為誰春草夢池塘  
中年長作東山

恨莫遣離歌苦斷腸

席上再用韻

水底明霞十頃光  
天教鋪錦襯鴛鴦  
最憐楊柳如張緒  
却笑蓮花似六郎  
方竹簾  
小胡床  
晚來消得許多涼  
背人白鳥都飛去  
落日殘鴉更斷腸

石門道中

山上飛泉萬斛珠  
懸崖千丈落鼙鼙  
已通樵徑行還碍  
似有人聲聽却無  
閑略約

遠浮屠溪南脩竹有茅廬莫嫌杖屨頻來  
往此地偏宜着老夫

敗棋罰賦梅雨

漠漠輕陰撥不開江南細雨熟黃梅有情  
無意東邊日已愁重驚忽地雷雲柱礎  
水樓臺羅衣費盡博山灰當時一識和羹  
味便道為霖消息來

黃沙道中即事

句裏春風正剪裁溪山一片畫圖開輕鷗

自趁虛船去荒犬還迎野婦回  
松共竹翠成堆要擎殘雪聞疎梅  
亂鴉畢竟無才思時把瓊瑤蹴下來

元溪不見梅

千丈冰溪百步雷柴門都向水邊開  
亂雪賸帶炊烟去野水閑將日影來  
穿窈窕過崔嵬東林試問幾時裁  
動搖意態難多竹點綴風流却欠梅

戲題村舍

雞鴨成群晚未收  
桑麻長過屋山頭  
有何不可吾方羨  
要底都無飽便休  
新柳樹舊沙洲  
去年溪打那邊流  
自言此地生兒女  
不嫁余家即聘周

春日即事題毛村酒壚

春日平原薺菜花  
新耕雨後落群鴉  
多情白髮春無柰  
晚日青帘酒易賒  
閑意態細生涯  
牛欄西畔有桑麻  
青裙縞袂誰家女  
去趁蠶生看外家

曉起即事

水荇參差動綠波一池蛇影噤群蛙因風  
野鶴飢猶舞積雨山梅病不花名利麴  
戰爭多門前蛩觸日干戈不知更有槐安  
國夢覺南柯日未斜

又

石壁虛雲積漸高溪聲遶屋幾週遭自從  
一雨花零落却愛微風草動搖呼玉友  
薦溪毛殷勤野老苦相邀杖藜忽避行人

去認是翁來却過橋

送元濟之歸豫章

歌枕婆娑兩鬢霜起聽簷溜碎喧江那邊  
玉筋銷啼粉這裏車輪轉別腸詩酒社  
水雲鄉可堪醉墨幾淋浪畫圖恰似歸家  
夢千里河山寸許長

尋菊花無有戲作

掩鼻人間臭腐場古來惟有酒偏香自從  
來住雲煙畔直到而今歌鼎忙呼老伴

共秋光黃花何處避重陽要知爛熳開時  
節直待西風一夜霜

席上吳子似諸友見和再用韻  
答之

翰墨諸公久擅場曾中書傳許多香都無  
絲竹銜杯樂却看龍蛇落筆忙 閑意思  
老風光酒徒今有幾高陽黃花不怯西風  
冷只怕詩人兩鬢霜

又

自古高人最可嗟只因疎懶取名多居山  
一似庾桑楚種樹真成郭橐駝雲子飯  
水精瓜林間携客更烹茶君歸休矣吾忙  
甚要着蜂兒晚趁衙

三山道中

拋却山中詩酒窠却來官府聽笙歌閑愁  
做弄天來大白髮栽埋日許多新劒戟  
舊風波天生子懶柰予何此身已覺渾無  
事却教兒童莫恁麼

又

點盡蒼苔色欲空竹籬茅舍要詩翁  
花餘歌舞懽娛外詩在經營慘澹中  
聽軟語  
爰裴容一枝斜墜翠鬟鬆  
淺頻彈深爰誰堪  
醉看取藻然林下風

用前韻賦梅三山梅開時猶有  
青葉余時病齒

病繞梅花酒不空  
齒牙牢在莫欺翁  
恨無飛雪青松畔  
却放疎花翠葉中  
冰作骨

玉爲容常年宮額鬢雲鬆直須爛醉燒銀  
燭橫笛難堪一再吹

又

桃李漫山迺眼空也曾惱損杜陵翁若將  
玉骨冰姿比李蔡爲人在下中尋驛使  
寄芳客隴頭休放馬蹄鬆吾家籬落黃昏  
後剩有西湖處士風

有感

出處從來自不齊後車方載太乙歸誰知

寂寞空山裏却有高人賦采薇 黃菊嫩  
晚香枝一般同是採花時蜂兒辛苦爲官  
府胡蝶花間自在飛

讀淵明詩不能去手戲作小詞

以送之

晚歲躬耕不怨貧簞雞斗酒聚比隣都無  
晉宋之間事自是羲皇以上人 千載後  
百篇存更無一字不清真若教王謝諸郎  
在未抵柴桑陌上塵

又

髮底青青無限春  
落紅飛雪謾紛紛  
黃花也伴秋光老  
何似尊前見在身  
書萬卷  
筆如神  
眼看同輩上青雲  
箇中不許兒童會  
只恐功名更逼人

戊午拜復職奉祠之命

老退何曾說著官  
今朝放罪上恩寬  
便支香火真祠俸  
更綴文書舊殿班  
扶病腳  
洗衰顏  
快浸老病偕衣冠  
此身忘世渾容

易使世相忘却自難

和趙晉呂敷文韻

綠鬢都無白髮侵  
醉時拈筆越精神  
愛將蕪語追前事  
更把梅花比那人  
回急雪  
過行雲  
近時歌舞舊時情  
君侯要識誰輕重  
看取金杯幾許添

和傅先之提舉賦雪

泉上長吟我獨清  
喜君來共雪爭明  
已驚並水鷗魚色  
更怯行沙蟹有聲  
添爽氣

動雄情奇因六出憶陳平却嫌鳥雀投林  
才觸破當樓雲母屏

博山寺作

不向長安路上行却教山寺厭逢迎味無  
味更求音樂材不材間過此生寧作我  
豈其鄉人間走遍却歸耕一松一竹真用  
友山鳥山花好弟兄

不寐

老病那堪歲月侵霎時光景直千金一生

不負溪山債百藥難治書史淫  
隨乃拙任浮沉人無同面如心  
不妨舊事從頭記要爲行藏入箋林

有客慨然談功名因追念少年  
時事戲作

壯歲旌旗擁萬夫錦襜突騎渡江初  
燕兵夜娖側角切銀胡韃漢箭朝飛金僕姑  
追往事嘆今吾春風不染白鬚頰却將萬  
字平戎策換得東家種樹書

祝良顯家牡丹一本百朵

占斷雕欄只一株春風費盡幾工夫天香  
夜染衣猶濕國色朝酣酒未蘇嬌欲語  
巧相扶不妨老幹自扶疎恰如翠幙高堂  
上来看紅衫百子圖

賦牡丹主人以謗花索賦解嘲

翠蓋牙籤幾百株楊家姊妹夜游初五花  
結隊香如霧一朵傾城醉未蘇閑小立  
困相扶夜來風雨有情無愁紅慘綠今宵

看却似吳宮教陣圖

再賦

濃紫深黃一畫圖中間更有玉盤盃先裁  
翡翠裝成蓋更點胭脂染透酥香嫩  
錦模糊主人長得醉工夫莫携弄玉欄邊  
去羞得花枝一朵無

又

去年君家把酒杯雪中曾見牡丹開而今  
紙窗薰風裏又見疎枝月下梅歡幾許

醉方回明朝歸路有人催低聲待向他家  
道帶得歌聲滿耳來

壽吳子似縣尉時攝事城中

上巳風光好放懷故人猶未看花回茂林  
映帶誰家竹曲水流傳第幾杯摘錦繡  
寫瓊瑰長年富貴屬多才要知此日生男  
好曾有周公被襖來

寄葉仲洽

是處移花是處開古今興廢幾池臺  
皆人

三六五  
翠羽偷魚去抱葉黃鬚趁蝶來 掀老甕  
撥新醅客來且盡兩三杯日高盤饌供何  
晚市遠魚鮓買未回

登一丘一壑偶成

莫殫春光花下遊便須準備落花愁百年  
雨打風吹却萬事三平二滿休 將擾擾  
付悠悠此生於世百無憂新愁次第相拋  
舍要伴春歸天盡頭

和吳子似山行韻

誰共春光管日華  
朱朱粉粉野蒿花  
閑愁投老無多子  
病酒而今較減些  
山遠近  
路橫斜  
正無聊處  
管絃謦  
七年醉處  
猶能記  
細數溪邊第幾家

卜峽石用韻答吳子似

嘆息頻年廩未高  
新詞宜賀此丘遭  
遙知醉帽時時落  
見說吟鞭步步搖  
乾玉唾  
秃錐毛  
只今明月貴  
招邀  
最憐烏鵲南飛  
句不解風流見二喬

吳子似過秋水

秋水長廊水石間有誰來共聽潺潺羨君  
人物東西晉分我詩名大小山窮自樂  
晚方閑人間踏窄酒杯寬看君不了癡兒  
事又似風流靖長官

和章泉趙易父

萬事紛紛一笑中淵明把菊對秋風細看  
爽氣今猶在惟有南山一似翁情味好  
語言工三賢高會古來同誰知止酒傳雲

老獨立斜陽西過鴻

瑞鷓鴣

京口有懷山中故人

暮年不賦短長詞和得淵明如首詩君自  
不歸歸甚易今猶未足足何時 偷山定  
向山中老此意須教鶴輩知聞道只今秋  
水上故人曾榜北山移

京口病中起登連滄觀偶成

聲名少日畏人知老古行藏與願違山草

舊曾呼遠志故人今又寄當歸 何人可  
覓安心法有客來觀拙德城却笑史君那  
得似清江萬頃白鷗飛

又

膠膠擾擾幾時休一出山來不自由秋水  
觀中山月夜停雲堂下菊花秋 隨緣道  
理應須會過分功名莫強求先<sub>註</sub>自一身  
愁不了那堪愁上更添愁

乙丑奉祠歸舟次餘干賦

江頭日日打頭風  
憔悴歸來卻曼容  
鄭賈正應求死鼠  
葉公宜是好真龍  
孰居無事陪犀首  
未辦求封遇萬松  
却笑千年曹孟德  
夢中相對也龍鍾

又

朔思溪上日千回  
樟木橋邊酒盞在  
人影不隨流水去  
醉顏重帶少年來  
踈蟬響澁林逾靜  
冷蝶飛輕菊半開  
不是長卿終慢世  
只緣多病又非才

稼軒長短句卷之九

稼軒長短句卷之十

玉樓春

席上贈別上饒黃倅

龍巖雨巖堂名通判

雨當時民謠吏垂頭亦渠攝郡時事

往年龍巖堂前路路上人誇通判  
雨去年  
枉校過瓢泉縣吏垂頭民嘆語  
學窺聖  
處文章古清刻窮時風味苦  
尊前老泪不成行  
明日送君天上去

效白樂天體

少年才把笙歌戲，日非長秋夜短。因他  
老病不相饒，把好心情都做懶。故人別  
後，書來勸乍可停杯強喫飯。云何相見酒  
邊時，却道達人須飲滿。

用韻答葉仲洽

狂歌擊碎村醪觥，欲舞還憐衫袖短。心如  
溪上釣磯閑，身似道傍官堠嬾。山中有  
酒提壺勸，好語憐君堪數飯。至今有句落  
人間，渭水秋風黃葉滿。

讀云饒如鷄  
子懶如堠子

用韻答吳子似縣尉

君如九醞臺粘觥我似茅柴風味短幾時  
秋水美人來長思扁舟乘興嬾高懷自  
飲無人勸馬有青鬃奴白飯向來珠履玉  
簪人頗覺斗量車載滿

客有遊山者忘攜具而以詞來  
索酒用韻以答余時以病不往  
山行日日妨風雨風雨晴時君不去牆頭  
塵滿短轅車門外人行芳草路城南東

野應聯句好記琅玕題字處也應竹裏着  
行厨已向甕間防吏部

再和

人間反覆成雲雨鳬鴈江湖來又去十千  
一斗飲中僊一百八盤天上碟舊時楓  
落吳江句今日錦囊無着處看封關外水  
雲侯剎按山中詩酒部

戲賦雲山

何人半夜推山去四面浮雲猜是汝常時

相對兩三峰走徧溪頭無覓處  
西風瞥起雲橫度忽見東南天一柱  
老僧拍手笑相夸且喜青山依舊住

用韻答傳巖叟葉仲洽趙國興  
青山不解乘雲去怕有愚公驚著汝人間  
踏地出租錢借使移將無着處  
三星昨夜光移度妙語未題橋上柱  
黃花不掃滿頭歸空倩白雲遮且住

又

無心雲自來還去元共青山相爾汝霎時  
迎雨障崔嵬雨過却尋歸路處侵天翠  
竹何曾度遙見屹然星砥柱今朝不管亂  
雲深來伴僊翁山下住

又

瘦筇倦作登高去却怕黃花相爾汝嶺頭  
拭目望龍安更在雲烟遮斷處思量落  
帽人風度休說當年功紀柱謝公直是愛  
東山畢竟東山留不住

又

風前欲勸春光住春在城南芳草砌未隨  
綠落水邊花且作飄零泥上絮鏡中已  
覺星星謬人不負春春自負夢回人遠許  
多愁只在梨花風雨處

又

三三兩兩誰家嬾聽取鳴禽枝上語提壺  
沽酒已多時婆餅焦時須早去醉中忘  
却來時路借問行人家住處只尋古廟那

邊行更過溪南鳥相樹

寄題文山鄭元英巢經樓

悠悠莫向文山去要把襟裾牛馬汝遙知  
書帶草邊行正在崔羅門裏住平生插  
架昌黎句不似拾柴東野苦侵天且擬鳳  
凰巢掃地從他鸚鵡舞

樂令謂衛玠人未嘗夢搗齏餐  
鐵杵乘車入鼠穴以謂世無是  
事故也余謂為無事而有是理

樂所謂無猶云有也戲作數語  
以明之

有無一理誰差別樂令塵俗猶未達事言  
無處未嘗無試把兩無憑理說 伯夷飢  
採西山蕨何異攜壺餐杵鐵伴尼去衛文  
之陳此是乘車穿鼻穴

隱湖戲作

客來底事逢迎晚竹囊鳴禽尋未見日高  
猶苦塵賢中門外誰酣戀觸戰 多方為

渴泉尋徧何日成陰松種滿不辭長向水  
雲來只怕頻頻魚鳥倦

有自九江以石中作觀音像持  
送者因以詞賦之

琵琶亭畔多芳草時對香爐峯一笑偶然  
重傍玉溪東不是白頭誰覺老補陀大  
士神通妙影入石頭光了了肯來持獻可  
無言長似慈悲顏色好

乙丑京口奉祠西歸將至僊磯

江頭一帶斜陽樹。認是六朝人住處。悠悠  
興廢不關心。惟有沙洲雙白鷺。 仙人磯  
下多風雨。好卸征帆留不住。直須抖擻盡  
塵埃。却趁新涼秋水去。

鵲橋仙

為人慶八十席上戲作

朱顏暈酒方瞳點漆。閑倚松邊倚杖不須  
更展畫圖。看自是箇壽星模樣。 今朝盛  
事一杯深勸。更把新詞齊唱。人間八十最

風流長貼在兒兒額上

下兒字當作孫

和范先之送祐之弟歸浮梁

小窗風雨送今便憶中夜笑談清軟啼襦  
衰柳自無聊更管得離人腸斷 詩書事  
業青蠶猶在頭上貂蟬會見莫貪風月卧  
江湖道日近長安路遠

壽余伯熙察院

旁冠風系繡衣壽價曾把經綸少試看看  
有詔日邊來便入侍明光殿裏 東君未

老花明拼媚且引玉卮沈醉好將三萬六  
千場自今日泛頭數起

己酉山行書所見

松岡避暑茆簷避雨閑去閑來幾度醉扶  
怪石看飛泉又却是前回醒處 東家娶  
婦西家歸女燈火門前笑語釀成千頃稻  
花香夜夜費一天風露

慶岳母八十

八旬慶會人間盛事齊勸一杯春釀麒麟脂

小字點眉間猶記得舊時宮樣  
綠衣更著功名富貴直過太公以上大家著意記  
新詞遇着箇十年便唱

贈鷺鷥

溪邊白鷺來吾告汝溪裏魚兒堪數主人  
憐汝汝憐魚要物我欣然一處  
白沙遠浦青泥別渚剩有鰕跳鯽舞聽君飛去飽  
時來看頭上風吹一縷

席上和趙晉昌敷文

少年風月少年歌舞老去方知堪羨嘆折  
腰五斗賦歸來問走了羊腸幾遍 高車  
駟馬金章紫綬傳語渠儂穩便問東湖帶  
得幾多春且看凌雲筆健

西江月

江行系石岸戲作漁父詞

千丈懸崖削翠一川落日鎔金白鷗來往  
本無心選甚風波一任 別浦魚肥堪贍  
前村酒美重斟千年往事已沈沈閑管興

亡則甚

壽范南伯知縣

秀骨青松不老新詞玉佩相磨靈槌準擬

泛銀河剩摘天星幾箇

南伯去歲七月生子

真枕樓

頭風月駐春亭上笙歌留君一醉意如何

金印明年斗大

和楊民瞻賦丹桂韻

宮粉厭塗嬌額濃粧要壓秋花西真人醉

憶僊家飛佩丹霞羽化

十里芬芳未足

一亭風露先加杳  
腮桃臉費鉛華  
終慣秋蟾影下

癸丑正月四日自三山被召經從  
建安席上和陳安行舍人韻

風月亭危致蕤管絃聲脆  
休催主人只是  
舊情懷錦瑟  
旁邊須醉  
玉殿何須僂  
沙堤政要公  
來看看紅藥  
又翻階  
趁取西湖春會

用韻和李兼濟提舉

上對東君痛飲莫教華髮空催瓊瑰千字  
已盈懷消得津頭一醉  
休唱陽關別去只今鳳詔歸來五雲兩兩  
望三台已覺精神聚會

三山作

貪數明朝重九不知過了中秋人生有得  
許多愁只有黃花如舊萬家亭中殢酒  
九條閣上扶頭城鴉喚我醉後休細雨斜  
風時候

夜行黃沙道中

明月別枝驚鵲清風半夜鳴蟬稻花香裏  
說豐年聽取蛙聲一片七八箇星天外  
兩三點雨山前舊時茅店社林邊路轉溪  
橋忽見

春晚

贖歎讀書已嬾只因多病長閑聽風聽雨  
小窗眠過了春光太半往事如尋去鳥  
清愁難解連環流鶯不肯入西園去喚畫

梁飛燕

木犀

金粟如來出世葉  
空僊子乘風清香一袖  
意無窮洗盡塵緣千種  
長為西風作主  
更居明月光中  
十分秋意與玲瓏  
拚却今宵無夢

壽祐之茅時新居落成

畫棟新垂簾幕  
華燈未放笙歌  
一杯漱灩  
泛金波先向太夫人賀  
富貴吾應自有

功名不用渠多只將綠鬢抵羲娥金印須  
教斗大

遣興

醉裏且貪歡笑要愁那得工夫近來始覺  
古人書信看全無是處昨夜松邊醉倒  
問松我醉何如只疑松動要來扶以手推  
松曰去

和趙晉臣敷文賦秋水瀑泉

八萬四千偈後更誰妙語披襟紉蘭結佩

有同心喚取詩翁來飲  
鏤玉裁冰看句  
高山流水知音胸中不受一塵侵却怕靈  
均獨醒

悠然閣

一柱中擎遠碧兩峰旁  
聳高寒橫陳削就  
短長山莫把一分增減  
我望雲烟目斷  
人言風景天慳被公詩筆盡追還重上層  
梯一覽

示兒曹以家子付之

萬事雲烟忽過百年蒲柳先衰而今何事  
最相宜宜醉宜遊宜睡 早趁催科了納  
吏量出入收支乃翁依舊管些兒管竹管  
山管水

又

粉面都成醉夢霜髯能幾春秋來時誦我  
伴牢愁一見罇前似舊 詩在陰何側畔  
字居羅趙前頭錦囊來往幾時休已遣蛾  
眉等候

朝中措

醉歸寄祐之弟

籃輿惻惻破重岡。玉苗兩紅粧。這裏都愁  
酒盡那邊。正和詩忙。爲誰醉倒。爲誰歸  
去。都莫思量。白水東邊。離落斜陽。歌下牛  
羊。又

綠萍池沼絮飛忙。花入蜜脾香。長怪春歸  
何處。誰知箇裏。迷藏。殘雲積雨。些兒意  
思。直恁思量。不是涼鶯。驚覺夢中啼損紅

粧

又

夜深殘月過山房  
睡覺北牕涼  
起遶中庭獨步  
一天星斗文章  
朝來客話山林鍾  
鼎那處難忘  
君向沙頭細問  
白鷗知我行藏  
爲人壽

年年黃菊灑秋風  
更有拒霜紅  
黃似舊時宮額  
紅如此日芳容  
青青未老尊前要  
看見輩平戎  
試釀西江爲壽  
西江綠水無窮  
又

年年金縷灑西風人與菊花同霜鬢經春  
重綠僂姿不飲長紅焚香度日儘從容  
笑語調兒童一歲一杯為壽從今更數千  
鍾

九日小集時楊世長將赴南宮

年年團扇怨秋風愁絕寶杯空山下卧龍  
羊度臺前戲馬英雄而今休也花殘一  
似人老花同莫怪東籬韻減只今丹桂香  
濃

清平樂

博山道中即事

桺邊飛鞚露濕征衣重宿鷺窺沙孤影動  
應有魚鰕入夢一川明月疎星浣沙人  
影娉婷笑皆行人歸去門前稚子啼聲

又

茅簷低小溪上青青草醉裏吳音相媚好  
白髮誰家翁媪大兒鋤豆溪東中兒正  
織雞籠最喜小兒亡賴溪頭看剥蓮蓬

獨宿博山王氏菴

遶床飢鼠蝙蝠翻燈舞屋上松風吹急雨  
破紙窗間自語 平生塞北江南歸來華  
髮蒼顏布被秋宵夢覺眼前萬里江山

檢校山園書所見

連雲松竹萬事從今足拄杖東窗分社肉  
白酒赤頭初熟 西風梨棗山園兒童偷  
把長竿莫遣旁人驚去老夫靜處閑看

又

斷崖松竹裊藏冰玉路轉清溪三百曲

香滿黃昏雪屋。行人繫馬踈籬折殘猶  
有高枝留得東風數點只緣嬌嫩春遲

爲兒鐵柱作

靈皇醮罷福祿都來也試引鷄雛花樹下  
斷了驚驚怕怕。從今日日聰明更宜潭  
妹嵩兄看取辛家鐵柱無災無難公卿

木犀

月明秋曉翠蓋團團好碎剪黃金教恁小  
都着葉兒遮了。打來休似年時小窗能

有高低無類許多香處只消三兩枝兒

再賦

東園向曉陣陣西風好喚起仙人金小小  
翠羽玲瓏裝了 一枝枕畔開時羅帳翠  
幙垂低恁地十分遮護打窗早有蜂兒

憶吳江賞木犀

少年痛飲憶向吳江醒明月團團高樹影  
十里水沈烟冷 大都一點宮黃人間直  
恁芬芳怕是秋天風露染教世界都香

壽信守王道夫

此身長健還却功名願枉讀平生三萬卷  
滿酌金杯聽勸男兒玉帶金魚能消幾  
許詩書料得今宵醉也兩行紅袖爭扶

壽趙民則提刑時新除且素不  
喜飲

詩書萬卷合上明光殿樓上文書看未遍  
眉裏陰功早見十分竹瘦松堅看君自  
是長年若解尊前痛飲精神便是神僊

題上盧稿

清泉奔快不管青山礙十里盤盤平世界  
更着溪山襟帶古今陵谷茫茫市朝往  
往耕桑此地居然形勝似曾小小興亡

又

清詞索箋莫厭銀杯小應是天孫新與巧  
剪恨裁愁句好有人夢斷關河小憲日  
飲亡何想見重簾不卷泪痕滴盡湘娥

呈趙昌甫時僕以病止酒昌甫

作詩數篇未及之

雲烟草樹山北山南雨溪上行人相背去  
唯有啼鴉一處門前萬斛春寒梅花可  
照摧殘使我長忘酒易要君不作詩難

書王德由主簿扇

溪回沙淺紅杏都開遍灘漲不知春水暖  
猶傍垂楊春岸片帆千里輕舡行人想  
見歌眠誰似先生高舉一行白鷺青天

好事近

中秋席上和王路鈐

明月到今宵長是不如人約想見廣寒宮  
殿正雲梳風掠夜深休更喚笙歌簷頭  
雨聲惡不是小山詞就這一場寒索

送李復州致一席上和韻

和泪唱陽關依舊字嬌聲穩回首長安何  
處怕行人歸晚垂楊折盡只啼鴉把離  
愁勾引却幾處遠山無數被行雲低損

席上和王道夫賦元夕立春

綵勝闌華燈平把東風吹却暖所雪中明  
月伴使君行樂 紅旂鐵馬響春冰老去  
此情薄惟有南村梅在倩一枝隨着

和城中諸友韻

雲氣上林梢畢竟非空非色風景不隨人  
去到而今留得 老無情味到篇章詩債  
怕人索却笑近來林下有許多詞客

稿軒長短句卷之十